



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան, Ս. Դավթի 87ա

<<31>> 01 2019թ.

Ո Ր Ո Շ ՈՒ Մ No. 120 /11-Ա

ԶԿԱՏԱՐԱԾ ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԸ ԳԱՆՁԵԼՈՒ ՄԱՍԻՆ

Հայաստանի Հանրապետության պետական եկամուտների կոմիտեի իրավաբանական վարչության պետ Ա. Մնացականյանս քննարկելով <<ԻՄՊՐՈՌԻԹՄ-ԱՐՎԵՍՏԻ ԱԿԱԴԵՄԻԱ>> ՍՊԸ-ի վերաբերյալ վարչական վարույթի նյութերը

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների <<ԻՄՊՐՈՌԻԹՄ-ԱՐՎԵՍՏԻ ԱԿԱԴԵՄԻԱ>> ՍՊԸ-ի (պետական ռեգիստր՝ 29.110.01995, ՀՎՀՀ՝ 05529025, հասցե՝ ք. Գյումրի, Անկախության նրբ. 1) չկատարած հարկային պարտավորությունը <15> հունվարի 2019թ.-ի դրությամբ կազմել է 6.317.574 դրամ, որից ապառք՝ 5.194.629 դրամ, տույժ՝ 1.093.779 դրամ, տուգանք՝ 29.166 դրամ:

Վերոհիշյալ պարտավորության մասով Հայաստանի Հանրապետության պետական եկամուտների կոմիտեի իրավաբանական վարչությունում, համաձայն <<Վարչարարության հիմունքների և վարչական վարույթի մասին>> ՀՀ օրենքի 30-րդ հոդվածի 1-ին մասի, հարուցվել է վարչական վարույթ չկատարված պարտավորությունը գանձելու վերաբերյալ՝ վարչական ակտ ընդունելու նպատակով, որի մասին <18> հունվարի 2019թ.-ին հարկ վճարողը պատշաճ կերպով ծանուցվել է էլեկտրոնային փոստային հասցեի միջոցով, սակայն վարույթի նյութերին ծանոթանալու համար չի ներկայացել և որևէ բացատրություն չի տվել:

Սույն գանձման որոշման մեջ չի ներառվում 2018թ. չորրորդ եռամսյակի ռեզիդենտի շահութահարկի կանխավճարի 15.956 դրամը և ՀՀ հարկային օրենսգրքի 401-րդ հոդվածի համաձայն հաշվարկված 328 դրամ տույժը:

Հայաստանի Հանրապետության պետական եկամուտների կոմիտեի իրավաբանական վարչության պետի կողմից <07> սեպտեմբերի 2018թ. կայացվել է թիվ 2840/11-Ա գանձման որոշումը, համաձայն որի <<ԻՄՊՐՈՌԻԹՄ-ԱՐՎԵՍՏԻ ԱԿԱԴԵՄԻԱ>> ՍՊԸ-ի գանձման ենթակա մնացորդ գումարը կազմում է 3.315.606 դրամ, որից եկամտային հարկ՝ 122.029 դրամ (ապառք՝ 109.590 դրամ, տույժ՝ 12.439 դրամ), շահութահարկ՝ 104.664 դրամ (ապառք՝ 95.713 դրամ, տույժ՝ 8.951 դրամ), ԱԱՀ՝ 3.058.034 դրամ (ապառք՝ 2.490.796 դրամ, տույժ՝ 538.072 դրամ, տուգանք՝ 29.166 դրամ), պետական տուրքի գծով տույժ՝ 30.879 դրամ:

Հայաստանի Հանրապետության պետական եկամուտների կոմիտեի իրավաբանական վարչության պետի կողմից <14> դեկտեմբերի 2018թ. կայացվել է թիվ 352-24 Ա գանձման որոշումը, համաձայն որի <<ԻՄՊՐՈՌԻԹՄ-ԱՐՎԵՍՏԻ ԱԿԱԴԵՄԻԱ>> ՍՊԸ-ի գանձման ենթակա մնացորդ գումարը կազմում է 591.245 դրամ, որից եկամտային հարկ՝ 92.548 դրամ (ապառք՝ 88.436 դրամ, տույժ՝ 4.112 դրամ), ԱԱՀ՝ 498.697 դրամ (ապառք՝ 476.538 դրամ, տույժ՝ 22.159 դրամ):

Հայաստանի Հանրապետության պետական եկամուտների կոմիտեի իրավաբանական վարչության պետի կողմից <16> հունվարի 2019թ. կայացվել է թիվ 1510-24 Ա գանձման որոշումը, համաձայն որի <<ԻՄՊՐՈՌԻԹՄ-ԱՐՎԵՍՏԻ ԱԿԱԴԵՄԻԱ>> ՍՊԸ-ի գանձման ենթակա մնացորդ գումարը կազմում է 692.342 դրամ, որից եկամտային հարկ՝ 111.726 դրամ (ապառք՝ 109.108 դրամ, տույժ՝ 2.618 դրամ), ԱԱՀ՝ 575.126 դրամ (ապառք՝ 561.647 դրամ, տույժ՝ 13.479 դրամ):

Արդյունքում սույն որոշմամբ գանձման ենթակա օրենքով սահմանված ժամկետում չկատարված հարկային պարտավորությունը կազմում է 1.702.425 դրամ, որից՝

եկամտային հարկի գծով պարտավորությունը կազմում է 84.945 դրամ, որից ապառք՝ 67.943 դրամ, տույժ՝ 17.002 դրամ, որն առաջացել է 2018թ. օգոստոս-սեպտեմբեր ամիսների եկամտային հարկի և սոցիալական վճարի վերաբերյալ հաշվարկներից, ինչպես նաև ՀՀ հարկային օրենսգրքի 401-րդ հոդվածի համաձայն հաշվարկված տույժերից,

ավելացված արժեքի հարկի գծով պարտավորությունը կազմում է 1.589.171 դրամ, որից ապառք՝ 1.158.218 դրամ, տույժ՝ 430.953 դրամ, որն առաջացել է 2018թ. մարտ և սեպտեմբեր ամիսների ԱԱՀ-ի և ակցիզային հարկի միասնական հաշվարկներից, ՀՀ հարկային օրենսգրքի 401-րդ հոդվածի համաձայն հաշվարկված տույժից,

ռեզիդենտի շահութահարկի պարտավորությունը կազմում է 28.309 դրամ, որից ապառք՝ 15.628 դրամ, տույժ՝ 12.681 դրամ, որն առաջացել է 2018թ. երրորդ եռամսյակի ռեզիդենտի շահութահարկի կանխավճարից և ՀՀ հարկային օրենսգրքի 401-րդ հոդվածի համաձայն հաշվարկված տույժերից:

Գանձման ենթակա չկատարված պարտավորության նկատմամբ օրենքով սահմանված կարգով և չափերով հաշվարկվում են տույժեր, որոնք ենթակա են կատարման մինչև սույն որոշման կատարման օրը՝ ՀՀ հարկային օրենսգրքով կամ օրենքով սահմանված կարգով հաշվարկված տույժերի հետ միասին:

ՀՀ հարկային օրենսգրքի 4-րդ հոդվածի 1-ին մասի 1-ին կետը սահմանում է, որ հարկը պետական և (կամ) հասարակական կարիքների բավարարման նպատակով Հայաստանի Հանրապետության պետական և (կամ) համայնքների բյուջեներ վճարվող պարտադիր և անհատույց գումար է, որը վճարվում է հարկ վճարողի կողմից՝ ՀՀ հարկային օրենսգրքով սահմանված կարգով, չափերով և ժամկետներում: Համաձայն <<Հայաստանի Հանրապետության պետական բյուջեի մասին>> ՀՀ օրենքի՝ ՀՀ պետական բյուջեի եկամուտների հիմնական աղբյուրը հարկային եկամուտներն ու պետական տուրքերն են, որոնց հավաքագրման շնորհիվ են կատարվում նույն օրենքով նախատեսված հանրային, պաշտպանության, հասարակական, անվտանգության, դատական գործունեության և այլ ոլորտներում նախատեսված ծախսերը: Նշվածից ելնելով և հաշվի առնելով պարտավորությունների գանձման կարևորագույն հանրային նշանակությունը՝ սույն որոշումը ենթակա է անհապաղ կատարման: Սույն որոշումը անհապաղ չկատարելը բավարար հիմք է տալիս ենթադրելու, որ հարկ վճարողը կարող է թաքցնել, փչացնել կամ սպառել հարկային մարմնի ընդունած իրավական ակտի կատարման համար անհրաժեշտ գույքը, ինչի արդյունքում հարկային մարմնի ղեկավարը ՀՀ հարկային օրենսգրքով սահմանված կարգով իրավունք ունի հարկ վճարողի գույքի վրա արգելանք դնելու մասին հանձնարարագիր հրապարակել:

Վերոգրյալի հիման վրա, ղեկավարվելով ՀՀ հարկային օրենսգրքի 4-րդ հոդվածի 1-ին մասի 64-րդ, 66-րդ կետերով, 398-րդ հոդվածի 5-րդ և 7-րդ մասերով, ՀՀ հարկային ծառայության մասին>> ՀՀ օրենքի 4-րդ հոդվածի 9-րդ մասով և ՀՀ վարչարարության հիմունքների և վարչական վարույթի մասին>> ՀՀ օրենքի 55, 56, 58, 88 հոդվածներով՝

Ո Ր Ո Շ Ե Ց Ի

1. <<ԻՄՊՐՈՌԻԹՄ-ԱՐՎԵՍՏԻ ԱԿԱԴԵՄԻԱ>> ՍՊԸ-ից գանձել 1.702.425 դրամ պարտավորության գումար:
2. Սույն որոշումն օրենքով սահմանված ժամկետում անբողոքարկելի դառնալուց հետո ուղարկել կատարման ՀՀ ԱՆ ՀԿ ապահովող ծառայություն:
3. Որոշման օրինակն եռօրյա ժամկետում ուղարկել հարկ վճարողին:
4. Սույն որոշումն ուժի մեջ է մտնում այն հարկ վճարողի էլեկտրոնային փոստի հասցեին ուղարկելու կամ Հայաստանի Հանրապետության հրապարակային ծանուցումների պաշտոնական ինտերնետային կայքում տեղադրելու օրվան հաջորդող օրվանից:
5. Սույն որոշումը կարող է բողոքարկվել վարչական մարմին՝ ՀՀ վարչարարության հիմունքների և վարչական վարույթի մասին>> ՀՀ օրենքի 70, 71 հոդվածներով սահմանված կարգով, ուժի մեջ մտնելու օրվանից երկամսյա ժամկետում կամ ՀՀ վարչական դատարան:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



Ա. ՄՆԱՑԱԿԱՆՅԱՆ

Ստացա որոշման օրինակը

Ստորագրություն

հարկ վճարողի /կամ ֆիզ. Անձի/ պաշտ. Անձի անուն ազգանուն

ամսաթիվ

Կատարող՝ ԻՎ ՀԳ բաժին,
գլխավոր մասնագետ Լ.Թորոսյան. հեռ.0312 9 96 66